

仁山智水



星 汉(新疆·乌鲁木齐)

秦峰塔

千年犹记起蓬茅，志在苍穹不可抛。
毕竟身心连地脉，风铃频向市民敲。

顾坚纪念馆听曲

一曲春风出戏楼，昆腔此处是源头。
想来当日新声起，便借娄江入海流。

过顾炎武墓一语问之

匹夫不是众簪缨，谁管朱明与满清。
倘是依然版图小，何来西域拜先生？

昆山拜祖冲之像自悟

算破乾坤袖里藏，山前一揖启情商。
诗词应似圆周率，真味绵绵不尽长。

金 水(北京)

观景台俯瞰白河峡谷

危崖高峻嶒，台起崚嶒上。
众壑霭夕晖，阴阳森万状。

飘渺白河来，百折竟东向。
插天山无言，历劫水无恙。
嵌崎磊落间，容我来倚傍。
莫道此身微，心与山水旷。

大明寺双楠

吾闻栋梁材，难免遭斤斧。
缘何此葱茏，双双历千古。
无乃通神明，凡夫不敢侮。
枝拂尘外云，叶战人间雨。
曾荫陆放翁，吟啸度清暑。
倏忽八百春，又见几禾黍。
何时东海滨，再见扬尘土。
吾生难得兹，聊以托仙侶。

梁少权(湖北·武汉)

奥克兰南行道上

何处飘来牧笛声，白云无限伴车程。
秋凉寂静南行道，落日羊群近小城。

屋伦回眸

斜晖脉脉径芳幽，相笑回眸倩影留。



一样秋霜君未见，丹枫依旧满枝头。

罗以(湖南·衡南)

翟红本(河南·鲁山)

咏南京明城墙

影入秦淮接翠微，片砖只字证风徽。
前朝王气潮掀去，燕向新楼越堞飞。

陕州地坑院

掘地为家不见门，时听百鸟唱晨昏。
花摇栏马墙头月，雨打渗坑云脚痕。
函谷青牛来院落，卦窑紫气漫乾坤。
六千年写民居史，惹动游吟又一村。

河洛吟怀

新城可接旧朝庐？不答流云漫卷舒。
水读星空凭领略，山收史迹任存储。
天香羞煞千秋月，国士超然一部书。
迈入民生时代梦，虽消王气胜当初。

谭伟媛(广东·江门)

咏汴西湖

春风那抵水温柔，碧玉为肌月作眸。
家在开封奴姓汴，问谁来泛木兰舟。

崖门古战场怀古

一望清秋万里开，西风吹我上层台。
天回崖海波方静，地尽英雄气未摧。
战鼓声声犹在耳，前尘历历已成灰。
当年高咏谁无死，痛挽银河酌酒杯！

题所摄云彩照

缥缈应从海曙归，悠然舒卷弄晴晖。
迎眸化作金龙舞，过岭翻如火凤飞。
能去为霖心自许，那堪捧日梦相违。
羡它高出远峰上，闲往闲来有鹤依。

雨中登北固楼怀辛稼轩

高峙云霄足壮观，稼轩曾此拍栏杆。
大江挟恨连天涌，狂雨随风卷地寒。
为复国疆矜直节，那堪王业属偏安。
悠悠八百年前事，俯仰茫茫惟浩叹。

李鸿楷(浙江·瑞安)

雁荡仙溪访胜

谁辟仙溪胜，天桥鸟道悬。
斜峰披翠盖，曲涧涌清泉。
倩女鸾俦结，雄狮云壑眠。
穿来谢公屐，乘兴探幽玄。

过南阁村章纶故居

鳞次牌坊似画屏，明贤仰止过门庭。
居官从政匡家国，仁德垂辉丽日星。
耿耿忠肠疏圣策，铮铮铁骨向严扃。
御阶宋帝扶冠带，亮节丹心照汗青。

廖开鑒(广东·广州)

绣江湖风情

碧波荡漾幻无穷，舸艇穿梭似小龙。
两岸石雕张古韵，一帘霓瀑卷长虹。
湖边武术功夫热，草地瑜伽人气浓。
万国衣冠传笑语，风情尽在绣湖中。

来根友(浙江·嘉兴)

鸳湖秋

—

入眸鸿雁正徐翔，烟雨楼边诗思长。
昆曲棹歌九重醉，木犀荷芰满湖香。
凌波飞艇雪涛激，跨海游人逸兴扬。
色味称饶点船菜，劬劬尽瘁乐丰穰。

—

风起青萍渐瑟萧，无边秋色孕诗潮。
垄坡透绿林浑醉，枝蔓垂红果欲凋。
宫阙月娥移步款，江湖华裔寄情遥。
山川信美尽吾土，万里寻根不待招。

傅 瑜(浙江·云和)

鹧鸪天·登临海古长城

仰望雄关耸碧空，逶迤雉堞展雄风。
烽烟散处成佳景，绿荫丛中卧巨龙。
思戚帅，仰威容，抗倭气慨九州崇。
居高远望山川秀，揽胜门前日正红。

鹧鸪天·紫阳古街

街巷幽深趣味浓，酒旗飘处业昌

隆。飞檐斗拱流新韵，老宅瑶窗蕴古风。
青石板，赤灯笼，小楼暖意快吟胸。
太平鼓擂铿锵调，情满诗怀我动容。

傅祖民(浙江·丽水)

游缙云栖真禅寺

驱车寻古刹，直上白云巅。
门列千秋树，烟笼一涧泉。
谈经闻鸟趣，叩月赏鱼虔。
寄慨登高处，何须要问禅。

鹧鸪天·九龙湿地公园观赏萤火虫

月漾江天气息清，长桥浅渚水泠泠。
随波浮黛千峰暗，漫野流金万灯明。
蛙鼓奏，蛐琴鸣。和谐万籁倍温馨。
几疑此景身犹梦，不枉家山负盛名。

叶爱莲(浙江·丽水)

鹧鸪天·栖真寺

九界通幽万仞山，佛门古树恃雄关。
灵光再现浮云外，宝殿重辉落照间。
鱼读月，鸟谈天。悠悠尘事惜前缘。
苍松荫寺深深处，返璞归真待悟禅。

鹧鸪天·有感贞溪廊桥旁古树

万物始春乐有期，风摇杨柳展疏



枝。半轮明月追波去，二树贞溪共露
偎。迎客笑，伴霞飞。印心牵手
两依依。江南杏坞盈连屋，海誓山盟
护绿堤。

张有凯(重庆·涪陵)

涪州咏遗

松屏列翠壮云天，铁柜樵歌浸古弦。
日落西山吞晚雾，风邀淡月眷江烟。
群渚竞浪漪波软，两水争流去意绵。
白鹤惊飞留胜迹，程朱点易枕遗篇。

谒周煌墓

皇师博学向天酬，大国封疆笔下收。
一卷华文存史据，千秋地籍册流球。
殊功玉锦龙镌绣，佐世贤名黎庶讴。
墓主还乡荫故里，高台垒土盖名流。

李含江(浙江·临海)

苍山访严蕊隐居地无果

几滴红尘泪，天台照晚妆。
苍山终一别，满目尽残霜。

谒广文祠

茂陵思作客，忍谪浙东南。
总是三台幸，千年碧水甘。

过谢皇后故里

临海向临安，轻风多少寒。

青山容易老，荣辱白云间。

江南长城

玉虬横日月，千载也从容。
云际盛唐雪，峰巅大汉松。
一江舒彩袖，高塔插青锋。
笑把梅枝问，却闻幽寺钟。

徐雨生(江苏·如东)

咏黄鹤楼

道家乘鹤别斯楼，崔颢名篇万古留。
芳草应非唐代草，江流恰似旧时流。
古人难见群楼耸，今者常抒远祖愁。
一水烟波仍尚在，滔滔逝去是春秋。

王旭(内蒙古·通辽)

丁酉清明前日与好友踏青

丽日相邀信步行，西辽河畔暖风轻。
沿堤柳露初春色，倚岸舟浮细浪声。
浅草抽芽牵绮梦，闲鸥戏水送温情。
归来且任杯中醉，不负时光又一程。

夜读白居易

千年月色照钱塘，岸柳轻摇堤漫长。
庾亮楼前春草浅，孤山寺外晚风凉。
新醅绿蚁邀司马，老病青衫梦洛阳。
伊水禅音添古韵，诗魂未远墨犹香。

傅苏波(江苏·东海)

春到马陵山

昨夜东君过小溪，马陵误是太湖西。
草青山野知春意，月皓村夫听雉鸡。
得雨千峰峦色秀，凌风两岸柳丝齐。
游人译作迎宾曲，常伴山深百舌啼。

赵春女(江苏·东海)

丁酉初五雪后进山

一夜缤纷山路绝，曙光微透恐行迟。
无踪草色春还远，有约莲台物不疑。
千壑风鸣银扮就，三川日望玉腾驰。
客人独爱禅庭古，疏影横斜竹几枝。

谒汤国泰先生墓

野径芊芊草，残碑问所如。
无尘何寂寞，有道自清虚。
履迹千山月，生涯几卷书。
后来期此意，援笔绿阴初。

是晚忆故人

青蝉声远寡朋徒，却忆那时传百壶。
年少知交轻姓字，夜长滋味老君吾。
想来多感诗偿债，莫学相思泪化珠。
别后盐河春寂寞，一般柳影照灯孤。

冉红梅(重庆·涪陵)

白鹤梁感怀

仙人驾鹤逐波去，长卧大江巴子梁。
题刻落潮镌翰墨，灵鱼出水兆嘉祥。

碑林千古历风雨，高峡日新书彩章。
龙殿惊询何处客？潜游馆底话沧桑。

秋菊

风霜饮尽露华新，独向深秋绝俗尘。
但赏清魂谁似尔，陶翁隐逸荐纯真。

孔斌成(湖北·赤壁)

春访澳头即兴

鸡年访澳头，往事越千秋。
小镇高天阔，红楼绿树幽。
飞舟鸥劲舞，拾贝浪温柔。
方寸弹丸地，春光放胆收。

春前盼春

已闻脚步报春来，心却倒悬疑又猜。
暖意分明温枕席，柔情总觉贴须腮。
曾经嫩柳莺歌恋，更盼初红燕剪裁。
痴眼望穿陆溪水，苍烟淡墨始匀开。

徐 辉(江苏·东海)

西藏大昭寺

一
莫道鸿休万里长，直将心路用身量。
形骸俯仰摩诃地，福慧逍遙菩萨乡。
紫氣悠悠萦白日，青烟裊裊过红墙。
大昭寺下人如鲫，唯有烝徒不换场。

二



鹤梦鹅书枉自多，今来圣地拜三摩。
法王巨手生公力，佛祖明瞳隐太和。
万点灯燃高殿亮，一声钵响满堂歌。
心中但有金刚志，火焰山头种曼陀。

张仙权(云南·云龙)

嘉峪关

紫塞何空阔，黄沙万里来。
楼荒人不语，雄业已成灰。

再登太保山

长谈轻小道，快步逐山高。
旧迹犹如昨，残碑没草蒿。

石宝山狮子关

清泉流翠涧，飞鸟逝东阿。
日暮秋风急，山深落叶多。

胡迎建(江西·南昌)

嘉兴南湖烟雨楼

织碧堆青瀛岛秋，来登烟雨古今楼。
红船摇曳烟波里，剑气曾经逼斗牛。

过南湖伍子胥祠

水犀军败子胥潮，怒向城门抉眼高。
绮秀江南谁作主，吴王更比楚王糟。

游休宁县齐云山，中有太素道观

峰挨岭挤孰安排？翠染云敷锦绣堆。

斧削丹崖镌妙笔，罅藏瑶殿叠高台。
黄山有此未孤峙，吾辈多情莫负才。
奇在徽州观不尽，余生无奈日车催。

兰

幽兰簇出石边溪，猗那飘然叶片姿。
只为修身涵漱气，何须尘世有人知。

宋国强(北京)

游万载县竹山洞

曲涧斜穿洞口倾，凭栏能辨滴泉声。
过桥活水虽无意，浇得乡田几度荣。

游万年县神农宫

神农何世此山中，启壁开扃造绛宫。
不见鲁班挥手斧，只闻水滴积天工。
雨昏玉阙千仙列，云映金梯万国通。
几束电光迷去处，瑶波转出二青童。

昙花

夜阑人静约谁家，万户开窗待月华。
风报异香张玉体，光笼清影脱纤纱。
相逢一刻情难尽，陪伴终身梦太奢。
且向尊荣拼一醉，到头依旧各天涯。

李勤绍(河北·平乡)

沱江泛舟

凤城邀客游，乘兴纵扁舟。
两岸青峰立，一江碧玉流。



逐云鸥鹭远，击浪桨声柔。
丝缆停泊处，风摇吊脚楼。

王为璋(湖北·武汉)

沙湖秋韵

塞上霜风紧，碧湖秋色寒。
黄沙吻衰草，绿苇系游船。
鸟去烟波静，云来汀渚闲。
渔家酬远客，依旧唱江南。

包世文(浙江·杭州)

三竺石径行

岁月无声九里松，空濛绿意隐群峰。
三生石伴涓涓水，淡紫桐花落晚钟。

匡天龙(湖北·监利)

春游广东深圳凤凰山

崖树连天碧，山花迎路开。
穿林寻古寺，拾级上高台。
宿雾随云去，春风拂槛来。
亭边人立久，欲待凤飞回。

匡山、庐山行

雾漫云游已不知，随风幻化见神奇。
文人学此耕耘法，一入山门即种诗。

山泉之水

一出深岩不寂寥，潇潇洒洒过山腰。
奔流直下三千里，汇入江河涌大潮。



与诗人流沙江一起郊游

百里驱车疾，排窗摇丽光。
高吟辞有色，微醉忆无章。
草绿浮生梦，花摇蜜里香。
归来夸胜景，情寄在何方。

与好友、作家诗人流沙江游湖北省

十堰市武当山

驱车寻古刹，直上白云巅。
客叹千秋树，愁消一涧泉。
谈经闻鸟趣，叩月赏鱼虔。
寄慨登高处，何须要问禅。

文会春(江西·会昌)

旧寨乡即兴

风光不亚武陵春，鸡犬相闻够逼真。
漫岭桃花红朵朵，满坡芳草绿茵茵。
林深旧寨通身爽，鸟啭新枝娱客频。
旷野无尘舒望眼，青山碧水醉游人。

清平乐·远安茶乡拾韵

金鸡报晓，漫岭人勤早。小妹采茶真手巧，追着春光欢跳。歌声飞上云端，引来仙女围观。鸟啭枝头和韵，竟然忘了轻寒。

许传利(广东·深圳)

浣溪沙·湘川怀古

—

万古汨罗招屈魂，兰芷白问湘
神。孤清众浊剩醉身。 击节竞舟
雷阗阗，怀沙吟泽日曛曛。莫教楚国
付啼痕。

—

悲愤沉江又如何，忠臣馋佞岂相
和。招魂哀郢枉情多。 幸有九章
同日月，遗存天问耸嵯峨。灵均德化
大风歌。

李才波(广东·普宁)

游重庆酉阳县桃花源

一入武陵心浩茫，驰思陶令妙文章。
中无杂树草鲜丽，内有美池田秀良。
秦世隐人行迹绝，仙源流涧落英香。
古寻所志遂迷路，今竟问津来酉阳。

重阳咏菊花

纷华落尽独登场，曾遇陶公举酒觞。
阵阵幽芬盈客袖，纤纤嫩蕊蕴金黄。
喜邀二友松和竹，笑傲三秋露与霜。
隐士风流谁得比，相逢一醉水云乡。

孔汝煌(浙江·杭州)

俄罗斯及北中欧八国记游二十阙配 影并序(录五)

一、少年游·序曲

老夫聊作少年游。俄且北中欧。
金厅重见，绿原四季，不乐更何求。

芳华眼下儿时梦，明月两乡俦。
云白天蓝，映辉经典，风翼掠轻鸥。

二、前调·莫斯科红场

红场久仰是红墙。钟塔闪星光。
导师陵寝，皇家宫苑，相对道寻常。

丁香郁结愁时雨，云阵易风檣。
游侣兴浓，快门频按，怎记此沧桑？

六、前调·爱沙尼亚塔林老城

渡轮泛峡两时过。坚垒塔林多。
高墙如削，古街似砥，岁月奈之何。

平台观景邻鸥雁，红顶望嵯峩。
八百春秋，堡城童话，曾历几干戈。

十三、前调·遥望丹麦北西兰岛哈姆

雷特城堡

渡轮厄勒峡遥望，复又码头傍。
临窗莎翁，复仇王子，古堡幻幽光。

群鸥日日虔朝谨，童话梦中乡。
古老神奇，动摇兴废，碧浪语沧桑。

二十、少年游·尾声

浮光掠影尽情难。馀岁味清欢。
异邦风物，古城童话，有梦各俱圆。

欧盟一体边无检，草树碧连天。
晨雾清新，晚阳明媚，精巧理家园。



金持衡(上海)

西湖漫步忆曼殊上人《春雨楼头》诗
暮色轻风西子湖，芒鞋破钵竟非无。
泪痕点点樱花瓣，尺八声声碧水珠。
客里相逢明镜月，座中谈笑富春图。
断桥前问三潭路，睹景思人心不呼。

注：曼殊上人诗曰：“春雨楼头尺八箫，何时归看浙江潮，芒鞋破钵无人识，踏过樱花第几桥。”

龚自珍故居

剑气箫声忆旧时，高吟国士亥年诗。
金风江海千行泪，白雪长河一片痴。
奇古文章惊世事，千秋热血泣先师。
马坡巷里居贤哲，垂柳依依拂绿丝。

胡嘉祥(浙江·温州)

水调歌头·临海古长城

荡荡浪飞涌，极目碧云天。登高思远，金戈铁马箭痕前。九战平倭皆捷，万众扬眉吐气，壮我好河山。史载戚公业，功绩越千年。 绿似染，城高耸，傍崖巅。堞宽壁峻，巍巍墉雉绕烟峦。走马雄关微雨，幽境江南独许，掩映翠丛间。险绝古今少，久久仰先贤。

水调歌头·临海尤溪山水

漏斗峡飞瀑，湖碧水浮天。荔枝洞邃，鲫鱼岛上野花繁。七折潭清景秀，百丈天门岭险，白练泻轻烟。险峪

鸟鸣噪，奇境绝凡间。 古木森，村庄俏，景廻环。嶂幽树茂，松荫重盖匝溪湾。风飐枫丹缀翠，雨涤峰青若洗，返朴入林泉。溯父旧游地，情眷感缠绵。

余宝义(浙江·开化)

题玉屏山望极亭

晨醉莺歌晚拥纱，宜晴宜雨接明霞。
闲居云海三千丈，俯瞰开阳十万家。

乡间春时即景

新起楼明浴曙霞，护江堤上赏奇花。
兔声夜入半聋耳，春色晨临百姓家。
蚕嫂后庭清旧苇，村姑高垄摘新茶。
梦闻的笃敲窗雨，水满菱塘听噪蛙。

陈文林(浙江·温州)

春日漫行

陌路行吟赏翠微，新阳驱散雨霏霏。
风来东海携花舞，香溢西郊引蝶飞。
四野藏珍多撷采，一些得意许回归。
宜生要计寻常乐，不拭芳馨任染衣。

江 畔

清泠江畔睹花妍，衬个纯蓝偌大天。
暖水知情催鲤跃，和风促醉逗莺欢。
渚头峰壑仍衔碧，滩畔蒹葭漫过川。
一派生机开淑景，处之淡簿且超然。

杨承大(湖南·湘潭)

三峡平湖春日丽，林峦叠翠净无尘。

念奴娇·南非逛城

红楼绿树，映蓝天碧海，轻云留迹。市井俨然欧陆派，不似非洲颜色。玉宇生辉，花坛缀锦，无愧彩虹国。丹青高手，难描风景如画。来狂佳境三都^①，外加约堡，皆是繁华集。国父^②英姿留塑像，一代伟人气魄。民主英雄，黑人斗士，种族强梁脊。消除歧视，丰碑千载巍立。

注：①南非有三个首都：行政首都比勒陀利亚，立法首都开普敦，司法首都布隆方丹，经济中心城市约翰内斯堡。②南非黑人民主斗士曼德拉被南非称为国父。

高 卓(浙江·杭州)

水调歌头·碧水西湖

澄碧圣湖水，百丈镜屏开。云山倒影如画，渟峙绝纤埃。那得清湛如许，为问源头何处？山底涌潮来。伍水襄同治，湖海济无涯。筑高坝，凿深隧，驭龙媒。昔日鼍波滚滚，漫漶每成灾。牵制钱塘潜蛰，变化应随人意，蓄泄巧安排。绿水青山美，市井在蓬莱。

金元宝(浙江·温州)

石桅岩

石桅百丈楠江上，我欲扬帆一写真。

天柱峰

天柱峰前惊客胆，雄奇独秀立云端。曾谁绝顶吟诗句，碧水潺湲五月寒。

莫雪元(浙江·杭州)

渔浦采风

寻幽觅趣到三江，揖击扁舟逸兴长。渔浦晨曦初染色，定山鬟髻正梳妆。风摇绿竹杨岐寺，日照黄花范蠡塘。不问谪仙行路叹，独怀贾岛爱诗狂。

黄政海(湖南·长沙)

宁乡凤凰山

车入竹云树海中，逶迤摇梦醉朦胧。小楼几座飞珠翠，横岭流苍荐化工。最爱溪流弹瑟静，忽惊碎玉对天冲。游时只恨装囊小，满目诗花向我红。

胡鉴明(湖北·黄石)

临江仙·黄石磁湖(谱三)

三面青山环碧水，长堤小岛葱茏。二苏胜迹有遗风。桥亭廊院静，鸥鹭舞低空。米岛团城浮翠影，游人逸趣其中。风光四季草花红。渔翁垂钓处，柳岸绿阴浓。

注：磁湖中鲶鱼墩上有诗碑，系舟亭等苏轼、苏辙兄弟游磁湖遗迹。

